

Inatsisartut suleriaasianni § 37, imm. 1 naapertorlugu, Naalakkersuisunut apeqqutit imaattut ingerlateqqinneqarput:

Naalakkersuisunut apeqqutit:

1. **Namminersorlutik Oqartussani angutit arnallu agguataarnerat naapertorlugu qassit atorfinitsitaappat?**
2. **Namminersorlutik Oqartussat allaffissuani angutit arnallu agguataarnerat naapertorlugu kalaallisut danskisullu (dobbeltsproget i skrift og tale) oqaasillit allassinnaasullu %-inngorlugu qassiuppat?**
 - a. **Angutit arnallu agguataarnerat naapertorlugu kalaallisut oqalussinnaangitsut allassinnaangitsullu %-inngorlugu qassiuppat?**
3. **Pisortat suliffeqarfiutaanni angutit arnallu agguataarnerat naapertorlugu katillugit sulisut qassiuppat sineriak tamaat isigalugu?**
4. **Pisortat suliffeqarfiutaanni angutit arnallu agguataarnerat naapertorlugu kalaallisut danskisullu (dobbeltsproget) oqaasillit %-inngorlugu qassiuppat?**
 - a. **Kalaallisullu tamakkiisumik oqalussinnaangitsut %-inngorlugu qassiuppat?**
5. **Naalakkersuisut kalaallisut oqaatsivut Namminersorlutik Oqartussat Allaffissuani pisortallu suliffeqarfiutaanni atorneqarnerulernissaannik qanoq anguniagaqarpat?**

(Inatsisartunut ilaasortaq Mette Arqe-Hammeken, Naleraq)

Tunngavilersuut:

Namminersornermut inatsit naapertorlugu kalaallisut oqaatsit pisortatigoortumik atorneqarput - taamaattumik uannut pingaaruteqarpoq ilisimassallugu qitiusumik allaffeqarfinni aamma pisortat suliffeqarfiutaanni oqaatsitta qanoq atorneqartigineqarnersut.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.